



Partida dominada y davagnada dala squadra ladina cun na schira de ocajiuns arjumades.

Tla partida cuntra le Percha pëia ia La Val cun en gran druch y ne ti lascia nia trà le flé aversars, cun dui goi che toma bel tl pröm tēmp y atri cater tl secundo por stlū jō la partida. N gröm de ocapiuns nia concretisades che ess fat ji fora le resultat plō pesoch. Bele al 4[^] vëgn le resultat sblochê, al é Max che davagna le palé da na pert y le preparëia amez area al cumpagn Samuel che po ma plō trá te porta. La squadra aversara vëgn dassënn pressada y se fej sciampé le medemo Max al 17[^] da na pert ite, chësc iade fej le sogadú de só ce y vega na trata sön le pröm pé de porta che vel le secundo gol. Le Percha inciurní prô de se refá sön na dijatenziun defensiva y rōia a tra cun l'atacant sú dan porta, le palé indere rōia alt sura fora. Mo bel indô é i ladins al comane y conzed pūch y nia ai aversars. Le numer un dl Percha ne pordūj nia a palsé y mëss se destrá plō iadi por desfanté les trates dal limit.

Le pröm tēmp se stlūj jō sön le resultat de 2 a 0 por La Val

Tl secundo tēmp rōia La Val te ciamp cun na gran vōia de se asiguré i trëi punc. Al 50[^] arlungëia le portier Sepl sön l'atacant Samuel che passa inant de cé a Michele C. sú cuntra porta, la trata de prezijiun sön le pröm pé garetá por le 3 a 0. Pūc menüc dedô pëia ia le sogadú amez ciamp dl Percha y crossëia amez por le compagn che rebat le curan te porta. Le moment de deblëza di ladins vëgn bel avalié al 60[^] cun na passaja filtranta dl mezciam sön Franz che á insciö le trú öt dan porta por vaghé le palonët che rōia te rëi. Le jūch va inant y al 64[^] é indo Michele che ti sciampa ala defenjiun y pro le palonët de jenedl sura le portier ite. Le gol ti taia les giames ai aversars che prô de inserí n atacant in plō mo lascia deperpo na gran lerch tla defenjiun. Chësc öt vëgn ciamó anuzé da Max al 74[^], al porta le palé da na pert jō y driblëia saurí i defensurs, Michele rōia cun sbunf adalerch y á ma plō bria de concretisé le bel laur de Max cun na bela trata de porta. Al sighlëia insciö sūa secunda triplëta te chësta sajun. Dan la fin rōia Egon F. te ciamp y vëgn atira sorví al limit, al tol l'iniziativa de trá sech tl'incrujiada de porta, al pro ciamó de abiné le palé rebatū mo vëgn contrasté. L'önesmetri é evidënt y conzedū vegn indere nia trasformé dal medemo sogadū. Le bel numer de goi ti asigurëia i trëi punc a La Val ince sce le resultat ess podū tomé for a plō pesoch sce an ciara les ocapiuns nia concretisades.

Percha – La Val 1-6

Formaziun La Val: 1. Josef Kantioler (dal 70[^] Julian Moling), 2. Luca Pescollderung (dal 80[^] Felix Nagler), 3. Werner Sottara, 4. Marco Castlunger, 5. Christian Dapoz, 6. Freddy Sottara, 7. Max Nagler (dal 70[^] Egon Frenes), 8. Michele Campeï, 9. Samuel Winkler (dal 80[^] Martin Ploner), 10. Stefan Sottara - capitan, 11. Franz Tolpeit (dal 75[^] Adrian Miribung)

Goi por La Val: Samuel Winkler al 4[^], Max Nagler al 17[^], Michel Campeï al 51[^], 64[^], 73[^], Franz Tolpeit al 60[^]

Proscima partida: *In dumënia ai 09 de otober dales 15:30 a La Val cuntra le Prettau*

Atri resultac:

Allievi (La Val): La Val – Hochpustertal: 1-1

Giovanissimi (La Val): La Val – Reischach: 1-1

U11 (La Val / San Martin): Obopuschtra Kobras - La Val / San Martin: 2-0

U10 (San Martin / La Val): S. Martin/La Val – San Laurënz cöce: 4-1

